



Broj: A-1101/25

Bihać, 27.11.2025. godine

Na osnovu člana 64. stav 1. tačka b), člana 70. i člana 89. Zakona o javnim nabavkama («Službeni glasnik BiH», broj 39/14, 59/22 i 50/24), na preporuku Komisije za javnu nabavku broj: A-1101/25 od 27.11.2025. godine, glavna kantonalna tužiteljica d o n o s i:

ODLUKU

O izboru najpovoljnijeg ponuđača

Član 1.

Prihvata se preporuka Komisije za javnu nabavku izražena u Zapisniku o ocjeni ponuda broj: A-1101/25 od 27.11.2025. godine i Okvirni sporazum za nabavku električne energije za potrebe Kantonalnog tužilaštva Unsko-sanskog kantona se dodjeljuje ponuđaču JP Elektroprivreda BiH dd Sarajevo, Vilsonovo šetalište 15, 71000 Sarajevo, kojeg zastupa generalni direktor dr.sci. Sanel Buljubašić i izvršni direktor za snabdijevanje i trgovinu dr.sci. Nevad Ikanović, ID broj: 4200225150005 za ponuđenu cijenu prema tenderskoj specifikaciji roba broj: 04-41345-1/25 od 20.11.2025. godine u iznosu od 15.997,76 KM bez PDV-a.

Član 2.

Nakon pravosnažnosti ove Odluke, prijedlog ugovora dostavit će se na potpis izabranom ponuđaču.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama i objavit će se na web stranici Kantonalnog tužilaštva Unsko-sanskog kantona.

Obrazloženje

Kantonalno tužilaštvo Unsko-sanskog kantona donijelo je Odluku o pokretanju postupka javne nabavke električne energije za potrebe Kantonalnog tužilaštva broj: A-1101/25 od 13.11.2025. godine, kojom je pokrenut postupak javne nabavke električne energije za potrebe Kantonalnog tužilaštva Unsko-sanskog kantona procijenjene vrijednosti u iznosu d 16.000,00 KM bez PDV-a, putem konkurentskog zahtjeva za dostavljanje ponuda.

Obavještenje o nabavci broj: 1092-7-1-91-3-24/25 dostavljeno je na objavu dana 14.11.2025. godine. Radi provođenja postupka javne nabavke imenovana je Komisija rješenjem glavne kantonalne tužiteljice broj: A-1101/25 od 13.11.2025. godine. Ugovorni organ je putem Komisije proveo postupak prikupljanja ponuda, kao i ostale aktivnosti vezano za nabavku, a u skladu sa Zakonom o javnim nabavkama.

Krajnji rok za dostavljanje ponuda određen je na dan 27.11.2025. godine do 08:30 sati. Nakon isteka roka za dostavljanje ponuda evidentirano je da je u roku pristigla jedna ponuda i to JP Elektroprivreda BiH dd Sarajevo.

Komisija za javnu nabavku je blagovremeno i pravilno izvršila otvaranje ponude i ocjenu ponude, te utvrdila da je ponuda ponuđača JP Elektroprivreda BiH dd Sarajevo formalno uredna, odnosno da sadrži svu traženu dokumentaciju i ispunjava sve uslove tražene tenderskom dokumentacijom.

Za predmetnu nabavku je u skladu sa Poslovníkom o uslovima i načinu korištenja e-aukcije ("Službeni glasnik Bosne i Hercegovine" broj: 80/23) i tenderskom dokumentacijom predviđena e-aukcija.

Shodno odredbama člana 4. stav 2. navedenog Pravilnika propisano da se u slučaju prijema jedne prihvatljive ponude e-aukcija ne može zakazati, nego se postupak okončava u skladu sa članom 69. Zakona o javnim nabavkama. Slijedom navedenog Komisija je dala preporuku da se okvirni sporazum dodijeli ponuđaču JP Elektroprivreda BiH dd Sarajevo obzirom da je jedini dostavio ponudu u iznosu od 15.997,76 KM bez PDV-a koju je Komisija ocijenila prihvatljivom.

U postupku ocjene provedenog postupka, Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Slijedom navedenog odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101. Zakona o javnim nabavkama.

GLAVNA KANTONALNA TUŽITELJICA

mr.sc. Merima Mešanović



Dostaviti:

1. Ponuđačima
2. IKT službeniku za objavu na web stranici Tužilaštva
3. a/a